

Сизлар янги Ўзбекистоннинг қанотсизлар. Бу қанотлар нима билан кучли бўлади? Билим билан!

Шавкат МИРЗИЁЕВ,
Ўзбекистон Республикаси
Президенти

Ishonch

Юрт тараққиёти йўлида бирлашайлик!

2022 йил
15 март
СЕШАНБА
№ 33
(4629)

Ўзбекистон қасаба уюшмалари Федерацияси нашри • Газета 1991 йил 21 мартдан чиқа бошлаган • www.ishonch.uz • e-mail: ishonch1991@yandex.uz

«ЯНГИ ЎЗБЕКИСТОНГА ҚАНОТ БЎЛАМИЗ!»



Сайдақбар Абдураимов олган сурат



Кун нафаси

Ўзбекистон Республикаси Президенти Шавкат Мирзиёев 14 март куни Германия Федератив Республикаси Президенти Франк-Вальтер Штайнмайер билан телефон орқали мулоқот қилди.

Ўзбекистон ва Туркия ўртасида COVID-19га қарши курашиш борасида келишувларга эришилди.

Ташқи ишлар вазирлиги расмий вакилининг ижтимоий тармоқдаги саҳифасида маълум қилинишича, мамлакатимизнинг Украинадаги элчихонаси вақтинча Львов шаҳрига кўчирилган.

Қорақалпоғистон Республикасининг Кўнғирот туманида Ўзбекистон «Аграр соҳа аёллари» уюшмаси билан ҳамкорликда боғдорчилик ва сувни тежайдиган технологиялар бўйича тренинг ташкил этилди.

Ўзбекистон ва Япония ўртасида дипломатик алоқалар ўрнатилганининг 30 йиллиги муносабати билан мамлакатимизнинг Токиодаги элчихонаси томонидан махсус эсдалик логотипи ишлаб чиқилди.

Инновацион ривожланиш вазирлиги ҳузуридаги Илмий-техник ахборот маркази, ЮНЕСКОнинг Ўзбекистондаги ваколатхонаси ҳамда ЮНЕСКОнинг Статистика институти ҳамкорлигида «Фан, технология ва инновациялар (ФОТИ) статистикаси бўйича Ўзбекистон Миллий семинари» видеоконференция шаклида ташкил этилди.



Темурбеклар мактаблари ва «Ёш чегарачи» ҳарбий-академик лицейи ўқувчилари ўртасидаги ижодий ишлар танловининг республика босқичи бошланди.

Ўзбекистон Республикаси Президентининг ҳаёт ва иш фаолияти

Ўзбекистон Республикаси Президентининг ҳаёт ва иш фаолияти



Унда мамлакатимиз иқтисодиёти юксалишида тадбиркор аёлларнинг ҳиссаси, нодавлат-нотижорат ташкилотларнинг жамиятдаги ўрни, ўзгарувчан иқтисодий вазиятда аёлларни қўллаб-қувватлаш каби мавзуларда маърузалар тингланди. Шунингдек, форумда уюшманинг ҳудудий бўлиmlари фаолиятини янада ривожлантириш, хотин-қизларнинг иқтисодий имкониятларини кенгайтириш бўйича янги лойиҳалар тақдими бўлиб ўтди.

– Мазкур лойиҳа доирасида Андижон, Бухоро ва Самарқанд вилоятларида 5 кунлик минтақавий ўқув-семинарлари ўтказилиши кўзда тутилган, – дейди «Тадбиркор аёл» Ўзбекистон ишбилармон аёллар ассоциацияси раиси Гулнора Маҳмудова. – Бугунги кунда ассоциациянинг

Ўзбекистон Республикаси Президентининг ҳаёт ва иш фаолияти

Ўзбекистон Республикаси Президентининг ҳаёт ва иш фаолияти



68 та ҳудудий бўлими 17 минг нафарга яқин аъзони бирлаштирган. Уларда 200 нафардан ортиқ мутахассис жамоатчилик асосида фаолият юритмоқда. Ҳудудий бўлиmlарни маҳаллий таъриқчилик, кучли салоҳиятга эга, ишбилармон ва етук раҳбар аёллар бошқармоқда.

Тадбирда таъкидланганидек, бугунги кунда ассоциация қатор халқаро ташкилотлар ва маҳаллий вазирликлар билан ҳамкорликда хотин-қизларни тадбиркорликка йўналтириш, касба ўқитиш, уларнинг ижтимоий мавқеларини ошириш, янги иш ўринларини яратиш, қишлоқ хўжалиги ва саноатга янги замонавий технологияларни татбиқ этиш, гендер тенгликни таъминлаш бўйича қатор лойиҳаларни амалга ошириб келмоқда.

Комила БОЙМУРОВА,
«ISHONCH»



Бухоро вилояти

Таълим ва фан ходимлари қасаба уюшмаси Бухоро вилояти ташкилоти вилоят халқ таълими бошқармаси билан ҳамкорликда «Аёл борки олам мунаввар» деб номланган учрашув ташкил этди.

Халқ ўқитувчилари билан учрашув

Мазкур тадбирга халқ таълими тизимида узоқ йиллар самарали меҳнат қилган «Ўзбекистон Республикаси халқ ўқитувчиси» унвони соҳибалари ва фаол ўқитувчилар тақдир қилинди.

– Меҳнат ҳеч қачон муқофотсиз қолмайди, – дейди Ўзбекистон Республикаси халқ ўқитувчиси Олия Муродова. – Бунга ўз фаолиятим мисолида гувоҳман. Узоқ йиллик меҳнат фаолиятим давомида Бухоро шаҳридан 30 километр масофа босиб, Жондор туманига қатнаб

ишлаганман. Транспорт масаласи жуда оғир бўлган ўша вақтларда ҳам садоқат билан хизмат қилишни ўз бурчим деб билганман. Ана шу садоқат мени ҳурмат-этиборга сазовор этди.

Тадбир ўқувчилар томонидан тайёрланган музикавий композицияга уланиб кетди. Устозларга тадбир якунида совғалар топширилди.

Райҳон НОСИРОВА,
Таълим ва фан ходимлари қасаба уюшмаси Республика кенгашининг Бухоро вилояти бўйича маъсул ташкилотчиси

Эҳтиром



Навоий вилояти Танишув

МАҲАЛЛАНИНГ ЯНГИ ҚИЁФАСИ

Ўзбекистон қасаба уюшмалари Федерацияси раиси Ўринбосари Бахтиёр Маҳмадалиев ҳамда Федерациянинг Навоий вилояти кенгаши раиси Назира Тоғаева Кармана туманидаги «Дўрмон текстиль» корхонаси фаолияти билан танишдилар.

Меҳмонлар, шунингдек, «Дўрмон» маҳалла фуқаролар йиғинининг янгидан қурилган, барча шароитларга эга биносини бориб кўришди.

Маҳаллада ташкил этилган ёш доирачи йиғитлар, спортчи қизлар, фольклор жамоалари меҳмонлар ва маҳалла аҳлига ўзларининг ноёб қобилиятларини намойиш этишди.

Нормурод МУСОМОВ,
«ISHONCH»

КЕЛГУСИ СОНЛАРДА ЎҚИНГ...

ТАНҚИДГА МУНОСАБАТ ШУМИ?

КАЙФИЯТГА КЎП НАРСА БОҒЛИҚ

ЁРЛИҒИДА НИМА КЎРСАТИЛГАН?

Қорақалпоғистон Республикаси

Монополияга қарши курашиш қўмитасига!



МЕТАН УЧУН НАРХ МОНОПОЛИЯСИ ЎРНАТИЛГАНМИ?

Қорақалпоғистоннинг Амударё, Беруний, Эллиққалъа, Тўрткўл каби жанубий туманлардан бўлак ҳудудларда жойлашган автомобилларга сувоқчиларга ёниги қуйиш шохобчаларида метан газининг 1 куб метри 2700 сўмдан сотиляпти. Жумладан, Нукус шаҳрида 23 та шунақа шохобча бўлиб, барчасида нарх бир хилда қиммат. Жанубий туманларда эса нисбатан арзон.

Бу ҳолатни кўриб, «Бу ҳудудда метан газига нарх монополияси ўрнатилмаганмикан?», деб ўйлаб қоласиз. Ҳолбуки, айрим маълумотларга кўра, юртимизда ёнилғи-ёқилғи савдоси билан шуғулланувчи тадбиркорлар 1 куб метр метан газини давлатдан 1000 сўмдан сотиб олишар экан. Рақобатчилик тамойилига кўра, бундай шохобчалар қанча кўп бўлса, нарх шунча арзонлашади.

Савол: Қорақалпоғистондаги бу ҳолатни қандай изоҳлашни ҳам билмайсан киши. Нархларнинг аксарият туманларда қиммат қилиб белгиланишига ташқаридан қандайдир таъсир ўтказилмаяптимики?

Абдималик ХОЖАНАЗАРОВ

Нукус шаҳри

Наманган вилояти

Тиббий-ижтимоий хизматларни ривожлантириш агентлигига!

ИМТИЁЗЛИ ЙЎЛЛАНМА БЕРИЛСА ЭДИ...



Бундан бир неча йил бурун қутилмаганда уйимизда ёнғин чиқиб, қизим оғир тан жароҳати олганди. Ҳозир у 22 ёшда, иккинчи гуруҳ ногирони. Танасининг қуйи қисми даволаш учун ҳар йили камида бир марта Фарғонадаги «Чимён» санаторийида муолажа олиши керак. Чунки ўша ҳудуддан чиқадиган шифобахш сув унинг дардига малҳам бўлади. Аммо моддий аҳолимиз ночорлиги сабабли уни санаторийга олиб боришга қўлимиз калталик қилмоқда.

Ногиронлиги бор шахсларга вилоят тиббий-ижтимоий хизматларни ривожлантириш бошқармаси томонидан санаторийларга бепул йўлланма берилиши ҳақида эшитиб, бир неча бор ушбу ташкилотга мурожаат қилдим. Бироқ улар «Чимён» санаторийига йўлланма бера олмасликларини айтишди. Сабабини бошқарма бошлиғи Нурмухаммад Тургунов қуйидагича изоҳлади:

– Биз ногиронлиги бор шахсларга Тошкент вилоятидаги «Товоқсой», Фарғонадаги «Олтиариқ», Косонсойдаги «Фахрийлар», Жиззахдаги «Маржонсув» каби санаторийларга бепул йўлланма беришимиз мумкин. Аммо «Чимён» санаторийи кааса уюшмалари тасарруфида бўлгани учун унга бепул йўлланма бериш ваколатига эга эмасмиз. Қолаверса, «Чимён» санаторийига йўлланма сўрайдиганлар вилоятимизда кўплиги боис биз республика Тиббий-ижтимоий хизматларни ривожлантириш агентлигига бу ҳақда бир неча бор таклиф киритганмиз...

Савол: ушбу агентлик юқорида тилга олинган таклифга нисбатан қандай муносабат билдирди? Сирасини айтганда, ушбу идорага ногиронлиги бор ҳамюртларимизга «Чимён» санаторийида даволаш учун бепул ёки имтиёзли йўлланмалар ажратиш ҳуқуқи берилиши мумкинми?

Холида АКРАМОВА

Наманган шаҳри



Уй-жой коммунал хизмат кўрсатиш вазирлигига!

ҲАММАСИ «ХЎЖА КЎРСИН»ГАМИ?

Салкам икки йилдирки, Қўшработ туманида Осиё тараққиёт банки бунёдкорлик амалга ошириш мақсадида қатор қишлоқларга тоза ичимлик суви қувурлари тортиляпти. Лойиҳага бизнинг «Қоратош» маҳалла фуқаролар йиғини ҳудудидаги бир неча қишлоқ ҳам қиритилган. Аммо бу борадаги ишлар суст бормоқда, тагин денг, баъзилари қўл учидан бажарилмоқда. Қазилган қувурларга ётқизиладиган полиетилен қувурлар сифатсиз. Бундан ташқари, улар номигагина кўмиб қўйилмоқда. Аслида бу қувурларнинг остки-устки қисмлари ва ён-атрофи маълум қалинликда қум билан тўлдирилган ҳолда иҳоталаниши керак. Шундай бўлса-да, бир неча авлодларга хизмат қилиши лозим бўлган қурилишга негадир панжа орасидан қаралмоқда.

Назаримизда, ҳудуддаги ишлар аҳолини тоза ичимлик суви билан таъминлашдан кўра, биринчи навбатда, банк кредитини «оқлаб» олиш учун бажарилмаётгандай.

Савол: бу масалага мутасаддилар ва бунёдкорлар нега лоқайдлик билан қарашмоқда?

Болой РУСТАМОВА

Қўшработ тумани

ЖАВОБИНИ КУТАЁТГАН САВОЛЛАР



МУСОФИР ТАЛАБАЛАРГА ҚАНДАЙ ЕНГИЛЛИКЛАР БОР?

Икки фарзандим Россиянинг Қалмоғистон Республикасидаги Элиста университетида тўртинчи босқичда шартнома асосида таҳсил олади. Уларнинг «контракт» пулини тўлаш учун таълим кредити олмоқчи эдим, ололмадим. Ваҳоланки, улар хорижда таълим олиб бўлгач, Ўзбекистонга қайтиб, унинг раванқи учун меҳнат қилишади-ку!

Савол: чет эл олий ўқув юртида ўқиш учун контракт пулини тўлашда қийналаётган ёшларимизга давлатимиз томонидан қандай енгилликлар берилади? Шунингдек, улар хорижда ўқиб олган диплом бизда амал қилиши учун қандай талаб ва тартиб-қоидалар жорий этилган?

Тошболта АБАЗОВ

Муборак тумани

Энергетика вазирлиги ва Транспорт вазирлигига!

ЙЎЛНИНГ ЭГАСИ ЙЎҚМИ?

Шеробод тумани марказидан «Сурхон» давлат кўриқ-хонасининг қоровулик постигача бўлган масофа роппа-роса 40 чақирим. Шундан кейин кўриқ-хона ҳудудидаги ниҳоятда абгор, ўнқир-чўнқирлардан иборат 8 километрик йўлни босиб ўтсангиз, «Бешбулоқ – Сурхон – Шеробод» болалар соғломлаштириш оромгоҳига етиб olasiz.

Дарвоқе, бу йўл узоқ вақтдан

буён бирор марта ҳам таъмирланмаган. Аслида тўлиқ қайта қурилиши, четларидаги авария ҳолатидаги 40-42 йиллик электр симёғочлар ҳам аллақачонлар алмаштирилиши лозим эди. Афсуски, бизнинг масъул идораларга бу хусусдаги мурожаатларимиз зое кетмоқда. Сабаби, йўлнинг эгаси топилмапти. У кўриқхонанинг ҳам, Сурхондарё автомобиль йўллари ҳудудий бошқармасининг ҳам, Шеробод тумани ҳокимлиги ва обо-

донлаштириш бошқармасининг ҳам балансида эмас эмиш.

Савол: ҳўш, бу масалага ким ойдинлик киритади? Оромгоҳга элтувчи йўл қачон мукамал таъмирдан чиқарилиб, «отамзамон»дан қолган симёғочлар ким томонидан янгиланади?

Илҳом ШАЙМАТОВ,
«Бешбулоқ – Сурхон – Шеробод» болалар соғломлаштириш оромгоҳи директори



КЎЗБЎЯМАЧИЛИК ТОКАЙГАЧА?

Бизни, яъни Учкўприк туманидаги Кўрғонча қишлоғи аҳлини ёзда ҳам, қишда ҳам электр қувватининг пастлиги қийнайди. Шу боис уч йилдан буён ушбу ҳолатга чек қўйиш учун мавжуд трансформаторни каттароғига алмаштириб беришда ёрдам сўраб, туман раҳбарларига мурожаат қиламиз. Аммо шу пайтгача ўзгариш бўлмади. Бу ҳақда «Ishonch» газетасининг ўтган йил 25 ноябрдаги сониди «Кичик қишлоқдаги катта ҳасратлар» сарлавҳали мақола ҳам чоп этилди.

Эшитишимча, «Фарғона ҳудудий электр тармоқлари корхонаси» АЖ бош директори А.Сайдалиев шу муносабат билан 2021 йил 30 декабрда тахририятга расмий жавоб йўллабди. Унда аҳолини сифатли


электр энергияси билан таъминлаш мақсадида 10 та темир-бетон устун ўрнатилиб, 81-сонли трансформатор пункти юклама марказига кўчирилганини, натижада истеъмолчилар талаби қаноатлантирилганини маълум қилибди.

Тўғри, темир-бетон устунлар ўрнатилиб, электр симларининг маълум қисми янгиланган, трансформатор бошқа жойга кўчирилган. Лекин бу билан муаммо тўлиқ ҳал этилгани йўқ. Электр аввал қандай бўлса, ҳозир ҳам ўшандай. Чироқ базур ёнади. Машиий техникалар деярли ишламайди.

Савол: хўш, хўжақўрсинга иш юритишлар тоқайгача давом этади?

Умаржон ТЎРАҚУЛОВ

Учкўприк тумани



КЎЧАНИ ТАЪМИРЛАШГА КИМ МАСЪУЛ?

Ўтган йил июнь ойида бизнинг «Олмачи» маҳалламиздаги кўчанинг тахминан бир километрик қисмига темирйўлчилар махсус кабелъ ётқизишди. Ундан салгина олдин эса маҳаллий аҳоли пул йиғиб, унга шағал тўктирган эди. Шунга кўра, «Ховост Ш4-3» участкаси бошлиғи Шерзод Шомуродов кўчани бузиш ишлари бошланганди у кейинчалик таъмирлаб берилишини айтганди. Афсус, ваъдага вафо қилинмади. Оқибатда кўчамиз қишда лойга, ёзда чанг-тупроққа тўладиган даражада абгор ҳолатга келиб қолди. Биз бу ҳақда бир неча марта тегишли жойларга мурожаат қилдик, барибир, фойдаси бўлмади.

Савол: ушбу кўчани таъмирлашга ким масъул? Янаям аниқроғи, темирйўл ёқаларидаги кўчалар қайси ташкилотларга қарашли ҳисобланади?

Жамол ЭГАМБЕРДИЕВ

Шароф Рашидов тумани



